



Bosnia and Herzegovina
Federation of Bosnia and Herzegovina

CANTON SARAJEVO
Professional Office for Common affairs

Broj: 17-49-41889/19
Sarajevo, 27.11.2019.

Na osnovu član 21a Zakona o zaštiti ličnih podataka u Bosni i Hercegovini, ("Službeni glasnik Bosne i Hercegovine" broj 49/06, 76/11 i 89/11) i člana 2. stav 2. i člana 6. Uredbe o obrazovanju Stručne službe za zajedničke poslove Kantona Sarajevo («Službene novine Kantona Sarajevo» broj 5/06-prečišćeni tekst), Načelnik Stručne službe za zajedničke poslove Kantona Sarajevo, donosi

ODLUKU

o vršenju video nadzora

Član 1 (Predmet)

Ovom Odlukom utvrđuju se uslovi i način vršenja video nadzora objekata u kojima su smješteni organi uprave Kantona Sarajevo, a koji su, shodno Uredbi o osnivanju, u nadležnosti Stručne službe za zajedničke poslove Kantona Sarajevo (u daljem tekstu: Služba).

Član 2 (Svrha)

Video nadzor objekata u kojima su smješteni organi uprave Kantona Sarajevo (u daljem tekstu: objekti Kantona Sarajevo) vrši se radi bezbjednosti lica i imovine, te radi kontrole kretanja i sprečavanja neovlaštenog pristupa posjetilaca službenim prostorijama.

Član 3 (Video nadzor)

- (1) Video nadzor iz člana 1. ove Odluke vrši se nad prostorom parkinga, prilaza, ulaza i hodnika u objektima Kantona Sarajevo.
- (2) Video nadzor nije dozvoljen u kancelarijama, salama za sastanke, bifeima, niti sanitarnim prostorijama.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



- (3) Video nadzor će se vršiti na sljedećim lokacijama:
- a) Centralna zgrada Vlade Kantona Sarajevo u ul. Reisa Džemaludin ef. Čauševića br.1 (16 kamera);
 - b) Zgrada Trezora u ul. M. Tita br.62 (10 kamera) i
 - c) Zgrada „STUPEX“ u ul. Hamida Dizdara br. 1 (2 kamere),
- (4) Kamere će biti postavljene na adekvatna mjesta, na osnovu organizacijskih i bezbjednosnih potreba, te tehničkih mogućnosti.

Član 4

(Obrada ličnih podataka putem video nadzora)

- (1) O video nadzoru iz člana 3. stav (1) ove odluke vodi se zbirka ličnih podataka.
- (2) Obrada ličnih podataka putem video nadzora vrši se u obliku video zapisa koji sadrži: sliku, datum i vrijeme.
- (3) Lični podaci iz zbirke ličnih podataka iz stava (1) ovog člana čuvaju se najduže trideset (30) dana od dana nastanka.
- (4) Uvid u zbirku ličnih podataka, iz stava (1) ovog člana, može se dozvoliti ovlaštenim službenim licima nadležnih sudova, tužilaštava i policijskih agencija u BiH.
- (5) Snimci sa video nadzora se mogu izdavati i drugim licima u skladu sa zakonima koji se primjenjuju u BiH.
- (6) Za uvid i dobijanje ličnih podataka iz zbirke ličnih podataka lica iz stavova (4) i (5) ovog člana dužna su podnijeti pismeni zahtjev načelniku Službe ili dostaviti odgovarajući nalog nadležnog Suda.
- (7) Načelnik Službe će ovlastiti lice koje će donijeti donosi rješenje o usvajanju ili odbijanju zahtjeva za uvid i dobijanje ličnih podataka.

Član 5

(Obavještenje o video nadzoru)

- (1) O vršenju video nadzora istaći će se obavještenje na vidnom mjestu na način kojim se obavještavaju lica da se vrši video nadzor nad objektima Kantona Sarajevo.
- (2) Obavještenje iz stava (1) ovog člana sadrži grafički simbol video nadzora i natpis „PROSTOR POD VIDEO NADZOROM“. Obavještenje takođe sadrži podatke o kontroloru video nadzora i broju telefona i adresi gdje se mogu dobiti informacije o pojedinostima o video nadzoru.
- (3) Isticanjem obavještenja iz stava (1) ovog člana smatra se da su lica obaviještena o obradi ličnih podataka putem video nadzora.

Član 6

(Zabrana pristupa)

Video nadzor koji se vrši nad objektima Kantona Sarajevo mora biti zaštićen od pristupa neovlaštenih lica.

Član 7

(Odgovorno lice)

Odgovorno lice za rukovođenje sistemom video nadzora je načelnik Službe.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



Član 8
(Stupanje na snagu)

Ova Odluka stupa na snagu danom donošenja i biće objavljena na oglasnoj tabli i web stranici Službe.

Dostaviti:

- Oglasna ploča i web stranica Službe
- a/a



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1

